



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Henr. Harphii Theologi Eruditiss. Ordinis
Minorvm, Ac Rervm Divinarvm Contemplatoris eximij.
Theologiæ Mysticæ Libri Tres**

Henricus <Herpius>

Coloniæ, 1611

Candor & rubedo in dilecto secundūm humanitatem quid? Agni cornua
septem, quæ? Cap. XIII.

urn:nbn:de:hbz:466:1-37362

tit Sed sic eum diligere, est velle ipsum ad fruēdum habere, quod est ipsum amore concupiscentia diligere. Ad hoc dicendum secundum Richardum super librum Sententiarum tertium, quod Deum diligere ut obiectum beatitudinis, intelligi potest dupliciter. Uno modo, quod diligens ad hoc ipsum diligit, ut suam perfectionem per ipsum consequatur. Et sic Deum diligere non est auctus principalissimus charitatis, nec est sub ista ratione charitas obiectum principale. Alio modo, quod ideo diligitur, quia in ipso sunt omnes perfectiones simpliciter quod requiritur ad hoc, ut aliquid perfecte sit obiectum beatitudinis: & sic diligere Deum, est actus charitatis principalissimus, & est dilectio amicitiae: quia sic diligens principalius habere vult Deus omnes perfectiones, quas habet, quam velit aliquid aliud. Nam qui ex charitate vult frui Deo, quod est ipsum amore concupiscentiae diligere, hoc ideo principaliter vult, ut Deus honorificetur & glorificetur in se, quod est ipsum amore amicitiae diligere; quia sic amans, Deo principaliter vult gloriam & honorem. Per charitatem enim amor concupiscentiae respectu nobilissimi amati (quod Deus est) ordinatur ad amorem amicitiae sicut ad finem, & ideo, simpliciter loquendo, amor amicitiae nobilior & principalior actus est charitatis.

Candor & rubedo in dilectō secundūm humanitatem quid? Agni cornua septem, qua? Cap. X I I I.

Dilectus mens candidus, secundum humanitatem, omnimoda puritate & innocentia: & rubicundus, quia passus & sanguine perfusus ex charitate. Dicit Anselmus libro de Meditatione redēptionis humanæ cap. 5. Excute fastidium tuum, o homo, & fac vim cordi tuo, intende in hoc mentem tuam, ut gustes bonitatem Redemptoris tui. Accendere in amorem Salvatoris tui. Mande fauum verborum, suge plus quam mellitum saporem; gluti salubrem decorum. Mande cogitando, suge intelligendo; gluti amando & gaudendo. Dicit enim Linconiensis in Sermone de pastorebus: Quod licet cera mollis fortiter applicata sigillo recipit imitatoriā similitudinem omnī formarū & figurarum sigillo inscriptarum: sic anima per amoris copulam fortiter ad Deum applicata, non aequali, sed cum summa imitatoriā similitudine ipsius pulchritudinis recipit conformitatē. Et cum apud summā pulchritudinem nulla delit pulchritudo, etiam in anima per amoris

E 3. copulam:

copulam à summa pulchritudine impressa, nō erit alicius pulchritus
dinis absentia, sed in illa resulgebis imitatoriē pulchritudo, quia super
ip̄am est impressa, ut ei veraciter sp̄sus dicere valeat: *Tor a pulchra es,*
amicamea, & macula non est in te. Primo igitur dilectus eius *candidus*
est per innocentia & puritate. Quapropter à Iohanne vocatus est *Agnus*
Dei, quia innocens in se p̄ie & manuētē tulit peccata mundi. O Agne
Dei, qui tollis peccata mundi, quām magnis ea laboribus, p̄enis, &
angustijs exsoluisti, quām exiguis suspirijs semper hominibus indu-
listi! *Omnes enim erramus & vniuersi que in viam suam declinavit, &*
Dominus in eo posuit iniquitates omnium nostrum. Sicut quis ad occisionē
duellus est, & quasi agnus coram condente se obmutuit, & nō aperuit os su-
um. Quem agnum petij Isaias, dicens: *Emitte agnum Domine domina-
torem terrae.* Nimis hic Agnus in Apocalypsi sponsus c̄setur: *Venit,*
inquit, *ostendam tibi sponsam uxorem Agni.* Et lucerna celestis Hieru-
salem. Sicut hic: *Lux enim est illuminans omnem hominem venientem in*
hunc mundum. Lucerna inquit, *eius est Agnus.* Secundò vero dilectus
eius est rubicundus, utpote ex charitate passus, & sanguine perfusus
que non rapuit exsoluens. Vnde est illud B. Petri Apostoli: *Sequimini*
vestigia eius, qui peccatum non fecit, nec inuentus est dolus in ore eius. Vi-
dit enim Iohannes *agnus sanctus tanquam occisum, habentem cornua septem,*
scilicet contra septem peccata mortalia, & *oculos septem, qui sunt septem*
spiritus Dei, missi in omnem terram. Septem cornua sunt, humilitas contra
superbiā, paupertas contra avaritiam, temperantia contra gulam,
castitas contra luxuriam, patientia contra iram, charitas contra inuidiam,
fortitudo contra acediam. His cornibus sicut Christus, ita Christianus diabolum debellare debet. Vide nunc *quia fortis est ut mors*
dilectio, immo fortior morte, quia morte mori cogit in morte aman-
tissimi Redemptoris nostri. O insuperabilis amor charitatis, qui insuperabile superalit, & cui omnia subiecta sunt, omnibus quodammodo
subiecisti, dum victus amore Deus te ipsum humiliauit, serui formam ac-
cipiens: non modò inuentus ut homo, sed ut opprobrium hominum, &
abiectione plebis. Vnde testatur apud Hieremiam: *Reliquum domum meam, di-
misisti hereditatem meam...* Dedi dilectionem animam meam in manus inimi-
corum eius. *Quid ultra debui facere, & non feci?* Quapropter dicit Chrysostomus de reparatione lapi, quod nemo amatorum carnalium, et si-
stet in hoc supra modum infaniens, sic exardescere potest in amorem
dilectionis suæ, sicut Deus effunditur in amorem animarum nostrarum.

Quo

Quo scilicet amore deuictus, quam foedam inuenit, balneo proprij:
sanguinis emundauit. Inde miratur Bernardus super Cantica, dicens:
Quam dulciter Domine Iesu cum hominibus conuersatus es, quam a-
bundanter multa & magna bona hominibus largitus es, quam forti-
ter tam indigna, tam aspera & durapro hominibus passus es: dura ver- Amor Del'
ba, duriora verbera, durissima mortis supplicia. O duri & indurati & ad homines
obdurati filij Adam, quos non emollit tanta benignitas, tanta flama- quantus-
ma, tam ingens ardor amoris, tam vehemens amator, qui pro vilibus
sarcinulis tam preciosas margaritas expendit. O bone Iesu, quid tibi
& morti? Nos debuimus, & tu soluis: peccauimus, & tollis. Opus sine
exemplo, gratia sine merito, charitas sine modo. Agnoscenunc o ho-
mo, quod nihil tam ad illius amore inflamat, sicut beneficiorum eius
immensa donatio. Ex hoc enim quod ipsum tam liberaliter cogitas ad
lardiendū, non solum sua, sed etiā seipsum secundū omne affectū &
modū, ipsum tenimū diligere cogitabis. Nihil autem ad amore recipi-
procū tantum excitat, sicut amari. Quod si diligis te, qui te destruxisti,
quomodo nō diliges eū, qui te redemit? Considera quanta fuerit erga
te dilectio Dei, quod veller Deū hominē, & hominē Deum quodam-
modo fieri, & sic te post lapsum querere, & post offendam plus quam
prius exaltare. Nunquid exaltationē culpa meruit? Certe nō. Sed ne ab
eo amplius fugeremus, naturā nostrā inseparabiliter sibi vivere volu-
it. Si ergo nos, qui nihil sumus, in modo qui malū sumus, in tantum diligit,
eum qui summè bonus est, nō diligimus? cūm nihil in suo beneficio
quaesiuit, nisi ut amore suo nos inebriaret, ac sibi nos amoris vinculo
inseparabiliter colligaret, ac aeternaliter beatificaret. Meritò ergo dilec-
tus mens cālidus & rubicundus, electus ex millibꝫ. Meritò, inquit, dilecto
dilecta dicat: Trahe me post te, ne scilicet euagari incipiā, sed anima
mea renuat consolari in alijs, & dicat: Memor fui Dei, & delectatus sum.
Hoc enim sequitur: Curremus in odorem unguentorū tuorū. Quid putas Psalm. 76.
vult sibi odor iste potius q̄ sapor aut visus, vel aliquid huiusmodi? Au-
di rationē: Cūcta (ni fallor) huius mudi delectamenta frequentata fa-
stidium ingerunt. Solus odor suauissimus delectabiliter reficit, fastidiu-
nescit, corpus non aggrauat, & appetitū renouat: per quem illa immē-
sa beneficia creationis & redemptionis in apotheca memoriarū posita
mirè redolentia designātur: quorum odor suauissimus sponsam reficit,
cuius refectio prouocat appetitū, appetitus refectionē ingeminat, ac fe-
linuicem in hac vicissitudine conseruant. Sic enim Euangelista Ioānes

Cant. II.

E 4. refē-

refectus ait: Odortuus Domine Iesu excitauit in me concupiscentias aternas. O odor, quam es effluens longe, lateque diffluens, & in amorous cordibus dulciter omnia disponens ac suauiter adimplens?

Baptisma & Circuncisio quare à Christo accepta: Circuncisio spiritualis qua? Cap. XV.

Heb. 2.

Baptismi effectus qui. Lucæ 3.

Math. 3.

Baptismus Christi.

Rom. 6.

Trinitas.

Lucæ 3.

Dilectus mens candidus & rubicundus. Candidus est dilectus Baptismali ablutione, & rubicundus legali circucione. Nō quia indiguit, sed quia voluit præceptis legis & gratia subiici, & per omnia fratribus assimilari, absque peccato. Nā primò Christus candidari & baptizari voluit, vt baptisatum, quo nos baptizaremur, consecraret. Quapropter ea demonstrari debuerit in baptismo, qua pertinent ad efficaciam baptismi. Ad quam primò cooperatur virtus quedā celestis: & ideo cælum est apertum baptizato Christo, ad ostendendum quod de cætero virtus celestis baptismum consecraret. Secundò, fides Ecclesia, & eius qui baptizatur. Nam baptizati fidem profitentur per se, si sint adulti; vel per alium, si sint paruuli. Et ideo baptismus dicitur fidei Sacramentum. Per fidem autem inspicimus celestia, quæ sensum & rationem humanam excedunt. Ad quod designandum aperti sunt celi, Christo baptizato. Tertiò per Christi baptismū nobis specialiter aperiūtus introitus regni cælestis, qui per peccatum homini primo præclusus fuerat. Ideo baptizato Christo, celi aperti sunt, vt ostenderetur quod baptizatis via patet in cælum. Licet enim per Christi passionem & mortem cælū hominibus aperiebatur, sicut per communem causam apertioñis cælorum: oportebat tamen hanc causam applicari singulis ad hoc, quod singuli introeant, quod sit per baptismum, secundum illud Apostoli: *Quicunque baptizati sumus in Christo Iesu, per mortem ipsius baptizati sumus.* Et ideo potius fit mentio de apertione cælorum in baptismo, quam in passione. Nam obstacula, quibus prius obstantibus animæ defunctorum cælos intuire nō poterant, per passionem Christi totaliter sunt ablata; sed in baptismo sunt aperta, quasi manifestata iam via, per quam homines in cælum erant intraturi. Cæterum summæ Trinitatis mysteriū in Christi baptismo demonstrabatur, quia fideles in invocatione & virtute summæ Trinitatis baptizantur, & sanctificantur. Filius enim in humana natura baptizatur. *Spiritus sanctus in habitu columba descendit: vox Patris Filio testimonium perhibentis auditur.* Vnde dicit Hilarius in Matthæ-